

Date – 20/02/2026

Time - 7:30 -7:40 Hrs

AKASHVANI AIZAWL
REGIONAL NEWS BULLETIN
HEADLINES (MORNING)

1. Governor Gen (Retd) VK Singh an mipuite State Day chibai a buk.
2. Chief Minister Pu Lalduhoma'n Mizoram chu India-a Digital state hmasa ber nih tir an tum a ti.
3. India AI Impact Summit vawiin a ni nga naah Leaders' Declaration an pawm ang.
4. Union Home Minister Amit Shah-a chuan vawiinah Assam-a Cachar district ah Vibrant Village Programme a hawng dawn.



STATE DAY -GOVERNOR MESSAGE

Governor Gen (Retd) VK Singh an mipuite State Day chibai a buk.

Governor chuan, kum 1987 February ni 20 khan Mizoram chu India ram state 23-na ni tura puan a ni a, hemi hnu hian Mizoram chuan muanna, hmasawna leh hlawhtlinna kawng hrangin a zawh chho a. He ni chhinchhiah tlak tak hi mizo mipuite chhelna, inpumkhatna leh suangtuahna ataka nemnghehna chiang tak a ni a ti.

He ni hi Dawhkan kila inbiakna, mipui thlan rorelna leh inremna ataka tihhlawhtlinna lantir a ni a; hei hi chiang takin June ni 30, 1986-a Sawrkar laipui leh Mizo National Front-te inkara inremna thuthlung ziah khan a entir a, he inremna hi India ram chanchina inremna thuthlung ziah tawha hlawhtling leh tlo berte zinga mi a ni a ti.

State nih hnuin Mizoram chuan kawng tinrengin hmasawna hmel thar chhinchhiah tlak tak tak a hmu a. Ram pum huapa hriat a hlawhna em em hnam ziarang hausa tak, nunphung nghet tak leh khawtlang inlungualna hloh chuang lovin zirna, hriselna, hmasawna ruhrel din leh ngelnghet siam kawngah pawh nasa takin hma a sawn tih sawiin he ni danglam bikah hian Mizoram leh India ram chak leh hmuingil din turin inhlan thar leh theuh ni se a ti a, tanrualna leh inremna nen kum 2047-a

India ram intodelh leh mahni kutkea ding thei 'Viksit Bharat' siam turin mahni phak tawkah tha thawh theuh ni se a ti a ni.



STATE DAY OF PRAYER

Vawiin hian Mizoram pumah State Day of Prayer hman a ni leh dawn a, Aizawlah chuan State Day of Prayer Committee chuan "I din thar leh ang u" tih thupui hmangin, Lammualah ram tâna chawnghei-a ÷awngñaihona a buatsaih leh dawn a, Chief Minister Pu Lalduhoman a hmanpui ang. Mizoram district khawpui hrang hrangah pawh, hemi ni hian kan ram tâna chawnghei-a ÷awngñaihona, State Day of Prayer Dist hruaitute hmalâknain buatsaih a ni bawk ang.



CM

Chief Minister Pu Lalduhoma'n Mizoram chu India-a Digital state hmasa ber nih tir an tum tih a sawi.

Nimin Assembly thutkhawma zawhna leh chhanna hunah he thu hi sawiin, House Leader Pu Lalduhoma chuan ZPM kaihhruai sorkar in Mizoram khaw thenkhata Mobile leh Internet Signal awm lo chu an ngaipawimawh hle a ti a, BSNL nen thawk dunin theih angin an bawhzui mek a, an hmalak mekah a huam loh khaw 20 vel chauh a awm tawh tih sawiin, an zawhfel hunah chuan India ramah pakhatna an ni dawn a, Mizoram chu India-a Digital state hmasa ber nih tumin tan an la a ti a, Artificial Intelligence, AI lamah pawh tan an la tih sawiin, Mizo tawng lehlinna pawh a tha tawh hle a, changlung zawka tih tum a nih thu a sawi bawk a ni.

CM

ICT Minister Dr.Vanlalhlana pawhin AI lamah hma an la chho mek tih sawiin, Mizoram sorkar chuan central sorkar siam Bashini app-a Mizo tawng dah ve turin Bashini app chu MoU a ziahpui tawh a ti a, he app hian hmun leh hmunah tawng 22 a let chhuak thei a, amah ngei pawhin a hmang tangkai hle a ti a, he app-ah hian Mizo tawng dah ve turin AI hmang leh college leh university lama mithiamte nen tangkawpin chak takin hma an la mek a, nakkum lamah chuan hman theih a nih a beisei thu a sawi a ni.

Minister chuan Sorkar laipuaia Department of Telecommunications-in a chhinchhiah danin, tun dinhmunah Mizoramah Mobile/Internet Signal awm lohna khua 54 a awm mek a, chung zinga khaw 21 te chu mihring chen tawh lohna khua a nih thu sawiin, heng khaw 54 zingah hian BSNL ten 4G saturation project atangin khaw 14 ah mobile tower dah turin hma an la mek tih a sawi bawk a ni.



SUPPLY MINISTER

Food Civil Supplies & Consumer Affairs Minister Pu B Lalchhanzova'n Buhfai supply tura Tender chhang hniam ber pe lova LZ Juice hnena supply pek a nih avangin Sorkar-in sum hloh a neih hriat a nih loh thu a tarlang.

FCS&CA Minister chuan nimin Assembly Session-ah ziaka zawhna chhangin, kum 2024 April atanga March 2025 thleng khan Buhfai Supply tura thlan LZ Juice te chuan Buhfai Quintal nuai 2 an supply hman a ti a, Buhfai supply tura Tender chhang hniam ber pe lova LZ Juice hnena supply pek a nih avangin Sorkar-in sum hloh a neih hriat a nih loh thu a tarlang bawk a ni.

Minister chuan ziaka zawhna chhangin Mualkhang Gas Bottling Plant tihchangelun tum a ni a ti a, Sorkar tharin mawhpurhna a lak atangin chak taka tihfel ngaite a tih fel avang leh a theih ang kawnga Sorkarin IOCL lam a nawr vangin kum 2024 July ni 4 khan IOCL chuan cheng vbc 225.71 a sanction fel a, kum 2024 July ni 22 khan Mualkhang Bottling Plant Plant Manager chuan FCS&CA Minister hnenah a hlan fel a, Forest Clearance nuai 26.75 tih fel loh avanga hectare 1.8-a Mualkhang Gas Bottling Plant tih zauhna hna thawh theih loh reng chu pek tlak a nih hnuah nikum 2025 June ni 10 khan Forest Clearance approval an hmu a, hnathawh tawh niin, Boundary wall zaa 85 leh land development work zaa 60 zawh tawh a nih thu a tarlang bawk a ni.



HNAHTHIAL

Hnahthial District-a Kawrlungtuk chuan tlawh a hlawh hle a, a hmun tlawhtu zingah thalai an tam hle a, intihhlimna hmun atan te an hmang thin a ni.

Kan corr report lo ngaithla ang.

VC

Kawrlungtuk hi Mat lui Lunglei leh Hnahthial inkar Maudarh atanga hla lo te a awm ani a, Hnahthial district a awm ani. Mat lei atang hian ahmun thlen nan km 3 bawr vel ke a kal angai a, Helai hmun hi Leite Branch YMA enkawlina hnuaia awm ani a, Mat lei atang hian a lui hnar lampang zawng a pan tur niin, akalkawng hi hahthlak deuh mahse ahmun thlen erawh chuan ahahdam thlak emem a, ahmunhma a nawm em avang leh amawi em avangin hian nitin deuhthaw tlawh tu an awm ni a hriat ani.



HULHLIAP SHORT STAY

Sorkar hnuai Ruihhlo ngaite enkawlna Hulhliap Short Stay Centre chhuakte tana a thlawna Skill Training buatsaih thin, batch li-na chu MFM Skill Training Centre, Aizawl Dawrpui Vengtharah tan a ni. Tun tumah hian Hulhliap SSC chhuak mi 23-in aluminium fabrication an zir dawn a ni.

Task Group Aftercare, Skill Training & Handholding Member Pi Lalhmingliani Hmar chuan training hi hawngin, mihring rilru put hmanga zir zelin mihring an awm thin avangin rilru thunun a pawimawhzia sawiin, hlawhchham leh tluk sualnate pawh a neih theih a, amaherawhchu kan theihna leh chaknate hnualsuat mai lovin, nitin, "Ka ti thei a ni," tia mahni inhneh tura pen chhuak zel turin a fuih a ni.

Hulhliap Short Stay Centre chhuakte tana a thlawna Skill Training buatsaih ah hian Batch thum training zawh tawh niin, trade hrang hrang - Assistant Electrician, Aluminium Fabrication leh Food Processing te kalpui niin, mi 92-in training an zo tawh a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



LUNGLEI HORTI

Lunglei District-a Zawlpui khua leh Kauchhuah khuaa Kau lui kama nul siamtute chu nimin khan Lunglei District Horticulture Officer (DHO) Pu Lalthakima hovin Horticulture-a thawktuten an tlawh a,

Zawlpui leh Kauchhuaha nul siamtute hian an nul lo fanpuiin, an hma lak dan leh thlai an thar dan te, harsatna leh mamawh an neih hrang hrangte an lo thlen a. Horticulture-a thawktute hian an dinhmun enpuiin, hlawk zawk leh tha zawka thlai chin leh enkawl dan tur chungchangah kaihhruaina leh thurawn te an pe a. Thlai chi, lei tha, damdawi, tui lak leh thlai enkawl dan chungchanga nul siamtute mamawh hrang hrang chu a theih anga ngaihtuahpui zel an tum thu an sawi.

Zawlpui khuaah hian Kau lui kamah nul siam chhungkaw 45 vel awmin, an nul hi tin 120 hmun vela zau a ni a. Kum 2004 vel atang khan nul hi siam tanin, tunah hian kum tin cheng nuai 150 vel bawr la lutin an inchhut a. An thlai chin tam ber chu zikhlum niin, bawkbawn, tomato, hmarcha, carrot, anam, bean, changkha, vaimim - mimthlum leh khawchhak vaimim leh thlai dang dang an ching bawk a. An thlai thar hi a tam zawk chu hralh turin Lungleiah thawnin, Thenhlum, Phairuang, Lungsen, Bunglemun leh Chawngteah te pawh an hralh thin bawk.

Kauchhuahah hian tun dinhmunah nul siam chhungkaw 12 awmin, an nul zau zawng hi tin 15 hmun vel a ni a. Zikhlum, bawkbawn, tomato, anam, bean leh thlai hrang

hrang chingin, an khaw chhehvel leh Lunglei lamah te hralh turin an thawn chhuak ve thin bawk.

Horticulture Department hian Mission for Integrated Development of Horticulture (MIDH) leh scheme hrang hrang kal tlangin nul siamtute hi thlai chi bakah, lei tha leh damdawi te pein, tui pekna leh tui dah khawlna zem te an siamsak a. Thlai chin leh enkawl chungchangah thiamna lama kaihhruaina te nen an vil zui reng a ni.



AI SUMMIT

India AI Impact Summit chu vawiin a ni nga naah chhunzawm a ni dawn a. Vawiin hian hruaitu kalkhawmte chuan an thupuanchhuah Declaration an pawm ang a, lungruak taka thawkho tur leh AI inrelbawlina kawnga an hmahlir te an pawm dawn a ni. Vawiin vek hian High Level GPAI Council Meeting a awm ang a. Member ramte chuan an hmasawn dante thlirhoin AI rintlak leh mitin huap siam tura an thawhhona te an thlirho ang.

Puan tawh angina Prime Minister Narendra Modia chuan nimin khan India AI Impact Summit 2026 hi Bharat Mandapam New Delhi-ah a hawng a. Thusawiini AI chu mitin huapa hman thiam a pawimawh tih a ti a. Pu Modia chuan AI chu mi zawng zawng huapzoa siam leh mi hnuaihnuung zawkte dawmkan nan abik takin Global South te tan hman uar ni se a ti a. Khawvelin hun thar a chuang kai mek tih sawiin mihring thiamna leh khawl finnate thawkdunin thil siam chhuah, hnathawh leh hmasawna hun thlen mek a ni a ti a. AI chuan hna thawh dan a ti felfai ang a, rintlak leh nghawng nasa zawk neiin hna a siam dawn a ni a ti bawk.



BIHAR NAXAL FREE

Bihar chu Naxal hel awm tawhlohnaah puan a ni. Vawiin khan Munger-ah Naxal hel ralthuam keng la awmchhun Suresh Koda chu sawrkar kutah a inpe a. Munger range DIG Rakesh Kumar-a chuan tun dinhmunah Bihar-a district 23 chungah ralthuam keng Naxal hel an awm tawh lo tih a puang a. Munger District Magistrate Nikhil Dhanraj chuan sawrkar laipuiin Naxal hel inpete chhawmdawlina tur a siam policy hmangin Suresh Koda pawh hi chhawmdawlina pek a ni ang a ti.



AI SUMMIT

India AI Impact Summit chu vawiin a ni nga naah chhunzawm a ni dawn a. Vawiin hian hruaitu kalkhawmte chuan an thupuanchhuah Declaration an pawm ang a, lungruak taka thawkho tur leh AI inrelbawlina kawnga an hmahlir te an pawm dawn a ni. Vawiin vek hian High Level GPAI Council Meeting a awm ang a. Member ramte chuan an hmasawn dante thlirhoin AI rintlak leh mitin huap siam tura an thawhhona te an thlirho ang.

Puan tawh angina Prime Minister Narendra Modia chuan nimin khan India AI Impact Summit 2026 hi Bharat Mandapam New Delhi-ah a hawng a. Thusawiini AI

chu mitin huapa hman thiam a pawimawh tih a ti a. Pu Modia chuan AI chu mi zawng zawng huapzoa siam leh mi hnuaihning zawkte dawmkan nan abik takin Global South te tan hman uar ni se a ti a. Khawvelin hun thar a chuang kai mek tih sawiin mihring thiamna leh khawl finnote thawkdunin thil siam chhuah, hnathawh leh hmasawna hun thlen mek a ni a ti a. AI chuan hna thawh dan a ti felfai ang a, rintlak leh nghawng nasa zawk neiin hna a siam dawn a ni a ti baw.

<><><>